



Kultureqarnermut, Ilinniartitaanermut, Ilisimatusarnermut Ilageeqarnermullu
Ataatsimiititaliaq

Pillugit: Allakkatigut apeqquaqaatit UKA2021/134-mut Atuarfik pillugu Inatsisartut inatsisaata allanngortinneqarnera pillugu Inatsisartut Inatsisissaannut siunnersuut

15-10-2021
Sagsnr. 2020 - 21166
Akt nr. 18180010

Asasakka Kultureqarnermut, Ilinniartitaanermut, Ilisimatusarnermut Ilageeqarnermullu Ataatsimiititaliami ilaasortat.

Postboks 1029
3900 Nuuk
Tlf: +299 34 50 00
Email: ikin@nanoq.gl
www.nanoq.gl

Ataatsimiititaliap ulloq 11. oktober apeqquaqaatigisai qujassutigaaq, ullormut oqaluuserisassani immikkoortup UKA 2021/134-p, Atuarfik pillugu Inatsisartut inatsisaata allanngortinneqarnissaa pillugu siunnersuummik suliaqarnissinnut atatillugu saqqummiussasi.

Tulliuttuni qinersimavara apeqqutigineqartunik ataasiakkaarlugit tulleriarlugit isuaaneq, apeqqutigineqartullu kingornagut akissuteqarfigisarlugit.

Atuartut amerlassusissaat:

1. Siunissami qaninnermi Nalunaarummik suliaqartoqarnissaa naatsorsuutigineqarpa?

Akissut:

Piffissalersuinermut atatillugu apeqqutigineqartoq siunnersuummi pisinnaatitsissummik atuinissamut annerusutigut kommunalbestyrelsinik ingerlatsisunillu allanik oqaloqateqartarnernik tunngaveqarpoq, aqutsinikkut iliuusissat pisariaqartut eqqarsaatigalugit. Naalakkersuisut pissamaarput oqaloqatiginnittarnernik pineqartunik aallartitsinissamik, siunnersuutip naammassillugu suliarineqareerneratigut. Taamaattumillu maannangaaq periarfissaqanngilaq piffissalersuinissamut.

2. Aalajangersakkamut uunga tigussaasumik nalunaarut qanoq isikkoqarsinnaava?

Akissut:

Pisinnaatitsissutip oqaasertalerneqarnerani ersippoq atuartut amerlassusissaasa ikilineqarsinnaanerit tunngavilersorneqassasoq atuartut ilikkagaqarsinnaassusiannik atugarissaarnissaannillu. Tamatumunnga naapertuuttumik nalunaarut aalajangersakkanik atuartut amerlassusissaasa ikilineqarsinnaanerit imaqassaaq, immikkut pingaarutilinnik isiginiagassat ilikkagassatigut atuartitsinnermi pineqartillugit, tamatumani ilikkagaqartitsinnaanerit periarfissat pitsaa-

suunerisigut, atuaqatigiit peqatigiinneranni avatangiisinilu pissutsit tamanna tullu-artippassuk. Tamatumunngalu atatillugu malittarisassani akulerunneqassapput apeqqutit naammattumik ilikkagaqartitsisinnaanermiittut, aamma atuartoqatigiit peqatigiinnerannik perrassaasut, tamatumalu kingunerisinnaavaa atuaqatigiit amerlanerpaaffissaqarnerisa killeqarnissaa.

Eqqaaneqartut allaffissornikkut maleruagassanik aalajangiisinnaanerit assersuutigalugu atuartunik ikinnerulersitsineq klassip atuarfiusup angissusaanut naapertuuttumik. Pissutsit aamma pineqartut tassaasinnaapput perorsaanerit isiginiagassanik tunngaveqartunik takussutissaqartinneqarpat atuaqatigiit klassimi ikinnerunissaat iluaqutissartaqartoq. Aamma assersuutigalugu pineqarsinnaavoq atuaqatigiit qanoq katitsigaaneri, pissutissaqartitsisinnaasoq klassimi atuaqatigiit ikinnerunissaannut, tamatumani ilaatigut isiginiarneqartariaqarpat atuartut amerlasuut immikkut pisariaqartitsisuuneri.

3. Atuaqatigiiaat amerlassusaasa ikilinnissaanut piimasaqaammut suut tunngaviusinnaanerit pillugu Naalakkersuisut qanoq nalilersuiniarpat?

Akissut:

Nalilersuineq aallaaveqassaaq apeqqutip 3-p akineqarnerani pissutsit suut atuuttuunerinik. Tamanna pissaaq Naalakkersuisut suliassaqaarfimmi nalinginnaasumik nakkutilliinerat tunuliaqutaralugu, tak. malittarisassat apeqqutip 16-ip akineranut tunngaviusut kiisalu kommuninik susassaqaartutullu soqutigisaqartunik allanik oqaloqateqarneq.

- a. Kommunalbestyrelsit atuarfiilluunniit nammineerlutik Naalakkersuisunut pisariaqartitaminnik nalunaaruteqassappat? Imaluunniit Naalakkersuisut kisimiillutik aalajangiisuussappat?

Akissut:

Tunngaviussaaq apeqqummi pineqartut ersarinnerusumik suussusilerlugit qulaarneqarsimaneri, allaffissornikkut aalajangersakkanik malittarisassiornermi, tamannalu naatsorsuutigineqarpoq kommunit qanimut isumasiortarlugit pisartussatut, soorluttaaq ataatsimut isigaluni tamanna aallaaviusoq qularnaarumallugit ataqatigiissaagaasunik sunniuteqarluartussanillu meeqqat atuarfiannut atatillugu unammilligassanik isiginninneq.

4. Atuaqatigiiaat amerlassusiisa ikilinnerisigut tamassumalu kingunerisaanik atuaqatigiiaanik amerlanerusunik pilersitsisoqartariaqalerpat, atuarfittut ilinniartitsisunik amerlanerusunik atorfinitsitsisariaqalissagaanni aningaasaliissutigineqartut amerlineqassappat?

Akissut:

Apeqqut attupillanneqartoq naatsorsuutigineqarpoq taamaattoqassappat nalinginnaasumik ilaatinneqassasoq pissusissamisoortumik kommuninik

isumaqatigiinniarnerni, allaffissornikkut malittarisassanik aqutsinermut atatillugu.

Oqaluttuarisaaneq namminerisamik atuartitsissutit:

5. Atuartitsinermut tiiminik agguataarisooqarnerani inuiaqatigiilerinermik, upperisatornermik eqqarsaqqissaarnermilu tullerriarinermi oqaluttuarisaaner-
mik atuartitsinermut sanilliullugit kingullinngortinnginnissaat qanoq iliuu-
seqarluni qulakkeerneqassava?

Akissut:

Inatsisiliornikkut akunnerit atuartitsiviusussat minnerpaaffissalernerqartarput atu-
artitsiviusuni alloriarnerni tamani. Kommunini oqartussaasut ilikkagassani atuar-
titsissutini ataasiakkaani immikkoortunilu akunnerit atuartitsiviusussat aggu-
ataartarpaat. Atuartitsissutini – fagini – tamani aamma ataatsimoortuni akunnerit
atuartitsiviusussat aalajangersarneqartussaapput atuartitsineq naammassisaqar-
fiusinnaanngorlugu atuartitsissutini ataasiakkaani ataatsimoortunilu ilikkagassat
eqqarsaatigalugit. Tamanna aamma atuuppoq inuiaqatigiilerinermi, upperisaleri-
nermi aamma isumalioqqissaarnermi kiisalu oqaluttuarisaaner-
mi. Ilinniartitaaner-
mut Aqutsisoqarfiup aallartereerpaa atuartitsissutissanut siunertanik ilikkagassa-
nilu angusassanik ilinniartitsissutini suliaasaqarfinnilu tamani atuuttussanik sulia-
qarneq. Atuartitsissutini siunertat ilikkagassanilu anguniakkat maanna atuartit-
sissutini - fagini – inuiaqatigiilerinermilu, ullumikkut oqaluttuarisaaner-
mik aamma
ilaqartumi tunngaviusussat, taamaaliornikkullu atuartitsissutit fagit immikkoortiter-
neri ersarinnerulersillugit.

6. Ukiuni kingullerni marlunni atuarfiit ataasiakkaat inuiaqatigiilerinermi, upper-
isatornermi eqqarsaqqissaarnermilu atuartitsinernik qanoq tiiminik tulle-
riiarippat?

Akissut:

Nuna tamakkerlugu 2020-imi agguaqatigiissillugu piffissaq atuartitsiviusartoq
akunnernut 38,31 (atuartitsiviusut piffissat 51-it tamarmik 45 minutsit) ukiumut
inuiaqatigiilerinermi aamma akunnerit 33,11 (tamarmik piffissat 44-t atuartitsivi-
usut immikkut tamarmik 45 minutsit) upperisalerinermi aamma isumalioqqissaar-
nermi klassini alloriarfiusuni tamani.

Nuna tamakkerlugu 2019-imi agguaqatigiissillugu akunnerni 39,45 atuartit-
sisoqarpoq (atuartitsiviusut piffissat 53-it tamarmik 45 minutsit) ukiumut inuiaqa-
tigiilerinermi aamma akunnerit 32,15 (atuartitsiviusut piffissat 43-t tamarmik mi-
nutsini 45-ni) upperisatornermi aamma isumalioqqissaarnermi klassini alloriar-
fiusuni tamani.

Ataani naatsorsorlugit katiterneqarput kommunit ataatsimoortunik aammalu ag-
guaqatigiissitsilluni akunnerit inuiaqatigiilerinermi aamma upperisalerinermi/ isu-
malioqqissaarnermi atortagaat. Taamaattoq naatsorsuutininik soqanngilaq fagit
suliaasaqarfiit akimorlugit ingerlatsisarnerit aamma sammisakkaartunik suliniutik-
kaartunillu suliat pillugit.

2020

Kommune	Avannaata	Kujalleq	Qeqertalik	Qeqqa	Sermersooq	Katillugit
Klassit amerl.	124	54	70	80	150	478
Inuiaqatigiilerineq	4987,37	1886	2541,95	3198,6	5697,15	18311,07
Upp./Ataatsi. ak.	4212,3	1826	2200,95	2911,95	4674,85	15826,05

Akunnerit/klasse	Avannaata	Kujalleq	Qeqertalik	Qeqqa	Sermersooq	Katillugit
Inuiaqatigiilerineq	40,22	34,93	36,31	39,98	37,98	38,31
Upp./Ataatsi. ak.	33,97	33,81	31,44	36,40	31,17	33,11

2019

Kommune	Avannaata	Kujalleq	Qeqertalik	Qeqqa	Sermersooq	katillugit
Klassit	130	56	73	97	152	508
Inuiaqatigiilerineq	5554,1	1975	2700,6	3666,6	6143,51	20039,81
Upp./Ataatsimut	4552,25	1853	2330,65	2727,8	4866,56	16330,26

Akunnerit/klasse	Avannaata	Kujalleq	Qeqertalik	Qeqqa	Sermersooq	katillugit
Inuiaqatigiilerineq	42,72	35,27	36,99	37,80	40,42	39,45
Upp./Ataatsimut	35,02	33,09	31,93	28,12	32,02	32,15

Sumiiffinni qinigassat:

7. Mernguernartulerinermi assigiinngitsuni tallimani atuartitsinerit tamarmik immikkut ilinniartitsisoqarnissaat naatsorsuutigineqarpa?

Akissut:

Aap, ullumikkut aamma taamaappoq. Atuarfiit ilinniartitsisut piffissaq suliffigissaat agguataartarpaat ilikkagassalerinernut ataasiakkaanut, ilinniartitsisut piginnaaneriniq aamma kissaataannik tunngaveqartunik.

8. § 12 imm. 3-mi aalajangersagaq nutaaq ima paasineqassava, tassa atuartitsinerit sananeq, assassorneq, erinarsorneq, timersorneq isiginnaartitsinerlu ataatsimoorlutik akuleriisillugit ingerlaneqassasut?

Akissut:

Naamik, sammisassat aaqqissuunneqarsinnaapput ilikkagassani - fagini – pikkorissarnertut aamma/ imaluunniit suliassaqarfiit assigiinngitsut akimorlugit ingerlatinertut, sammisat marluk amerlanerilluunniit ingerlallugit.

9. Oqariartaatsimik 'atuartitsissutigisassat piumasaqaataasumik' siunnersuummi § 12 imm. 3-mi atorineqartut faginut pikkorissarnertut paasinnineq eqqortumik paasinninnerua.

Akissut:

Naamik, taaguut fagit pinngitsoorani ingerlanneqartussat isumaqarput ilikkagassami fagimi tassani atuartitsisoqassasoq ilikkagassatut anguniakkat ilanngullugit. Fagini pikkorissarneq isumaqarpoq atuartitsinermik aaqqissuussisoqarsinnaasoq immikkut sammisassani imaluunniit immikkoortuni pikkorissartitsinertut, assersuutigalugu atoqatigiittarnermut tunngasunik atuartitsissutinik, sakkulerinermik ilinniarnermik, oqaasilerinermik, nuutinik ilinniarnermik assigisaannillu.

10. Teknologii­mik paasinninnermut ilikkagassatut pilersaarutinik mallittarisassanilluunniit Naalakkersuisut suliaqassappat, taanna angajullerni atuartitsissutini qinigassatut toqqarneqarsinnaasutut siunnersuutip § 13 imm. 3-mi ilanngunneqarsimammat.

Akissut:

Aap, sulia­ssarlu taanna ilinniartitaanermut Aqutsisoqarfimmi aallartinneqareerpoq.

- a. Qinigassatut toqqarneqarsinnaasumi teknologii­mik paasinninnermi ilinniartitsisuusussat atuarfimmi ilinniartitsisut koderinermik ilinniartitsisinnaanissaat Naalakkersuisunit naatsorsuutigineqarpa?

Akissut:

Aap. Naalakkersuisut naatsorsuutigaat atuarfimmi ilinniartitsisoqassasoq fagimi qinigassami teknologii­mik paasinninneq pillugu atuartitsisartussanik angajullerni, tamatumani aamma kodenik suliaqarnermik. Ilinniartitaanermut Aqutsisoqarfiup maanna neqeroorutigisareerpai pikkorissarnernik ingerlatsinerit sulia­saqarfimmut tunngasut, soorluttaaq ilinniarfissuaq aamma kommunit ineriartortitsinernik suliniuteqartut taaguuteqartumik "Kivitsisa", tassanilu aamma teknologii­mik paasinninneq sammineqartarluni.

11. Malittuani sumiiffinni toqqagassanik nalunaarsuineq, siunnersuutigineqartumi aalajangersakkanut eqqortumik takutitsinerunersoq pillugu oqaaseqaateqaqqullugit Naalakkersuisut qinnuigineqarput.

Takussutissiaq 1: Atuartitsissutigisassat piumasaqaataasut, Akuleriisillugit ingerlatsinerit Qinigassatullu toqqarneqarsinnaasut trinikkaarlugit agguataarneri

Trinit	Atuartitsissutigisassat piumasaqaataasut (atuartitsissutini pikkorissarnerit)	Akuleriisillugit ingerlatsinerit:	Qinigassatut toqqarneqarsinnaasuut
Nukarliit	- Timersorneq - Eqqumiitsuliorneq	Nipilersorneq aamma assassorneq ilusilersuinerlu	
Akulliit	- Eqqumiitsuliorneq - Timersorneq - Assassorneq ilusilersuinerlu - Nipilersorneq - Illumi suliassanik ilinniarneq	TAKUUK! Nipilersorneq, assassorneq ilusilersuinerlu (Atuartitsilluni pikkorissarnertut imaluunniit akuleriisillugit ingerlatsinertut)	
Angajulliit	- Timersorneq - illumi suliassanik ilinniarneq		- Eqqumiitsuliorneq - Assassorneq ilusilersuinerlu - Nipilersorneq - Teknologii - paasinnineq - Sumiiffinni qinigassat

Takussutissiaq 2: Mernguarnartulerinermi atuartitsineri atuartitsiffiusussat sammisassallu

Atuartitsiffiusussat:	Mernguarnartuleriffiit							
Atuartitsiffiusussat:	Illumi suliassanik ilinniarneq	Nipilersorneq			Timersorneq	Eqqumiitsuliorneq	Assassorneq ilusilersuinerlu	
Sammisassat:		Erinarsorneq	Timersorneq	Isiginnaartitsineq	Aneerneq	Illuliortaaseq	Sana neq	Assassorneq

Akissut:

Aap, eqqortumik paasineqarpoq. Taamaattoq maluginiaqquneqarpoq fagit pinnitsoorani ingerlanneqartussat pikkorissarnerinnartut ingerlanneqartannginneri. Tabelimut 2-mut atatillugu fagini sammisassat immikkut eqqaaneqarput malugeqqullugu taakkua sammisani ilaasussaani, assersuutigalugu illuliortaaseq eqqumiitsuliornermik sammisaqarnertut naatsorsuunneqartussa.

Teknologiimik paasinnineq:

- IT, uunga ilaallutik teknologiimik paasinnineq, digitalikkut perorsarsimaneq aamma digitalimi pissusilersorneq ilikkagassatut pilersaarutitut tulluuttunut ilanngunneqarnissaat Naalakkarsuisut qulakkearniarpaat?

Akissut:

Aap, IT fagini tamani ilikkagassanut pilersaarutitut nutarterivigineqartuni ilaas-saaq.

Isumaginninnermi attaveqaqatigiittarnermi aqqissuussineq:

13. Isumaginninnermi attaveqaqatigiittarnermik aqqissuussineq siunnersuutikkut matumuunakkut inatsisitigut tunngavissinneqarnissaata saniatigut, atuarfimmi kaammattuisoqartarnermik aqqissuussinnermit maanna atuutumit sutigut assigiinngissuteqarpa?

Akissut:

Kaammattuisoqartarnermik aqqissuussineq ukiuni pingasuni suliniutitut aqqissuussinnerusimavoq taamanikkut Ilaqutariinnermut Inatsisinillu Atortitsinnermut Naalackersuisoqarfiusup 2012-imiit 2015-imut atunnerani. Atuarfiit periarfissaqarsimapput ingerlatsinissanut aamma sulisumik timelæreritut akissarsiaqartusamut akissarsiassanik qinnuteqarsinnaanermut. Ukiumi atuarfiusumi 2013/2014 atuarfiit sisamat aningaasaliissutinik qinnuteqarsimapput. Taamanikkut Naalackersuisoqarfiusumut anguniagaasimavoq aqqissuussineq tamakkiisumik atortuulissasoq tamakkiisumillu kommuniniit ukiumi atuarfiusumit 2015/2016-imiit aningaasalersorneqalissasoq. Atuarfinni arlaqartuni aqqissuussineq isumaginninnermut siunnersorteqarnermik taarserneqarsimavoq.

Siunnersuummi isumaginninnikkut isumaqatigiissuteqartarnermik aqqissuussineq tamakkiisumik atortuulissaaq, ingerlatsinermullu atasumik ilinniarsimasuunis-samik piumasaaqateqarfiussalluni, soorlutaaq pisariaqartitsinernik periarfissanillu tunngavilinnik aqqissuunneqartassasoq.

14. Upernaami 2014-imi kaammattuisoqartarnermik aqqissuussineq nalilersorneqartussaasimavoq. Nalilersuineq ataatsimiititaliap tigussallugu kisaatigaa.

Akissut:

Meeqqanut, Inuusuttunut Ilaqutariinnullu Naalackersuisoqarfiup ilisimatitsissutigaa aqqissuussineq ataatsimoortumik nalilersuivigineqarsimanngitsoq, nalilersuisarnissaq atuarfinnermut pineqartunut isumagisassanngortinneqarnikummat. Iltigisaanillu ilisimatitsissutigineqarsinnaavoq taamanikkut Naalackersuisuusut 2014-ip upernaavani aalajangermata atuarfinni kaammattuisoqartarnermik aqqissuussineq matuneqassasoq, aningaasaliissutaasullu sinneri nuunneqassasut kontumit 30.14.29 Isumaginninnermi suliniutit, ingerlatsinernut meeqqanik siunnerfeqartunut kr. 1.040.000 kontumut 30.10.45 Meeqqat inuusuttullu immikkut ittunik suliniuteqarfiginerat, meeqqanut tunngasunik sulianik nukittorsaanertut.

15. Isumaginninnermi attaveqaqatigiittarnermik aqqissuussineq ukiuni arlalinni atoreerneratigut nalilersorneqassasoq Naalackersuisut naatsorsuutigaat?

Akissut:

Aallarniutigalugu nalunaarutigineqassaaq Naalakkersuisut pissusissamisoortutut nalilermassuk inatsisiliornikkut nutaaliernerit akuersissutigineqarnerinut ilaliullugu nalilersuisoqassasoq taakkua qanoq tigussaannerusumik atortinneqarnissaat. Tamanna nalinginnaasumik pissasoq naatsorsuutigineqarpoq aaqqissuussinerit pineqartut ukiualunni atuutereerneranni.

Taamaattumillu aamma pissusissamisoortutut nalilerneqarpoq nalilersuinernik suliaqartoqassasoq isumaginninnikkut attaveqaqatigiinnikkut aaqqissuussinerinik, aaqqissuussinerit atortuulerneranniit ukiualunnguit qaangiunneranni.

Nalilersuinerinik pineqartumik ingerlatsineq kommunit suleqatigalugit ingerlanneqaruni iluaqutissartaqassaaq.

- a. Taamaassappat qaqugu tamanna pissasoq naatsorsuutigineqarpoq?

Akissut:

Innersuussisoqassaaq apeqqutip 15-ip akineqarneranut.

16. Kommunalbestyrelsit inatsimmi piumasaqaataasunik naammassinninnerat Naalakkersuisunit qanoq iliorluni nakkutiginiarneqarpoq?

Akissut:

Aallarniutigalugu oqaatigineqassaaq oqaloqatigiittarnermik tunngaveqartumik nakkutilliineq pineqarmat, kommunit suliaqarfimmuut atatillugu isiginiagaannik tunngaveqartoq, tamannalu annerusutigut paasissutissanik katersinissamut periarfissaqarfiusuni pisarluni. Tamanna isiginiarneqassaaq tunngavigalugu matumani pineqarmat kommunit suliaqarfimmi akisussaaffigisaat, Namminersorlutik Oqartussat nalinginnaasumik ilitsersuivigisanngisaat. Aammattaaq atuarfik pil-lugu inatsimmi § 37, imm. 2-mi ersippoq Naalakkersuisut kommunalbestyrelsinut paasissutissanik piumasaqarsinnaasut, tamanna inatsisartut inatsisaani suliaqarfimmi isumaginninnermut pisariaqartutut isigineqaraangat.

Naalakkersuisut nakkutilliinerat kommunit inatsisinik eqqortitsisarnerannik tigussaasumik pisarpoq kommunalbestyrelsinut paasissutissanik piniartarnikkut, pisutsini aalajangersimasunik ajornartorsiuteqarfiusutut isigineqartartuni, qitiusumik oqartussaniit nammineq maluginiarneqartunik imaluunniit atuisuniit allanilluunniit immikkut ajornartorsiutitut tikkuarneqarsimasunik. Kiisalu nakkutilliineq pisarpoq paasissutissanik kisitsisinillu katersinikkut, matumani aamma eqqaaneqartutut 1. oktober nalunaarusiutigut, alloriarnerni misilitsinnerni angusatigut misilitsinnernilu angusatigut. Oqaloqatigiittarluni nakkutilliineq isigineqassaaq inatsisiliornikkut Naalakkersuisut immikkut sakkussinneqarsimannginnerannik kommunalbestyrelsit pisussaaffiit akulerussinnaanissamut.

Oqaloqatigiittarneq sakkugalugu nakkutilliinerup ilaatut Ilinniartitaanermut Aqutsisoqarfik ingerlaavartumik kommunini atuarfeqarnermut ingerlatsivinnik oqaloqateqartarpoq, ukiup ingerlanerani arlaleriarluni oqarasuaatikkut ataatsimiittarnertigut, kiisalu tikilluni ataasiakkaatigut oqaloqatigiittarnertigut, taakkunanilu aamma inatsisinut tunngasunik apeqqutinik samminnittoqartarluni. Tamatumalu saniatigut apeqqutit perorsaaneremut inatsisinullu attuumassuteqartut oqallisigineqartarput ukiumoortunik atuarfinni pisortat ataatsimiittarnerini aammalu Ilinniarnermik Instituttip Ilinniartitaanermullu Aqutsisoqarfiup pikkorissaasarnerini, assersuutigalugu inatsisiliornikkut suliniutit saqqummiunneqarfigisagaannik itisuumillu oqallisigineqarfigisagaannik. Kiisalu ingerlaavartumik Ilinniartitaanermut Aqutsisoqarfik attavigineqartarpoq assersuutigalugu ingerlatsivinniit, atuarfinni pisortaniit, ilinniartitsisuniit, atuarfinni siulersuisunut ilaasortaniit, angajoqqaaniit il.il., nalornissuteqartoqarsimatillugu inatsisit assigiinngitsut isumaqatigiissutillu qanoq paasineqarnissaannik atorneqarnissaannillu. Taamaasillunilu oqartoqarsinnaavoq oqaloqatigiittarnernik tunngaveqartunik nakkutilliineq kommunit Inatsisartut inatsisiliaannik atuinerat pillugu aamma ilaqarmat siunnersuisarnernik ilitsersuisarnernillu, qanoq inatsisit paasineqarnissaat atortinneqarnissaallu pillugit.

Eqikkaallunilu taamaasilluni oqaatigineqarsinnaavoq Naalakkersuisut pingaarnertut nakkutilliinerat ullumikkut ingammik imatut aaqjissuunneqartartoq:

- Kommunalbestyrelsit paasissutissanik piumaffigisarnerisigut pissutsini ajornartorsiutinut aalajangersimasunut atatillugu pisariaqartitsiviusuinut,
- Kommunalbestyrelsinut ukiumoortunik kisitsisinik paasissutissanik piumasaqartarnikkut atuarfimmi pissutsinut tunngatillugu, matumani misilitsinnernut, misiliinernut ukiumoortunillu karakteriliisarnernut,
- Ingerlaavartumik oqaloqatigiittarnikkut ataatsimiinnertigut, pikkorissarnertigut, siunnersuinertigut, ilitsersuisarnertigut assigisaasigullu.

Inussiarnersumik inuulluaqqusilluta


Peter Olsen